



CUMÜN DA SENT



Il mas-chalch da Sent

Publicaziuns officialas. Cumpara segund bsögn.
2012-2014
no. 6

7554 Sent, 31 mai 2012 / cl



Concert dals cors ad hoc da Sent e Ramosch

Ils cors ad hoc da Sent e da Ramosch s'han preparats per duos concerts cumünaivels.

Datas:

sonda, **2 gÜN 2012 a las 20.15** baselgia Sent
dumengia, **3 gÜN 2012 a las 17.00** baselgia Ramosch

Program:

Cors d'opera da verdi, Mozart e Smetana

Instrumentalists:

Risch Biert (clavazin), Domenic Janett (clarinetta), Miriam Cipriani (flöta a travers)

Dirigent: Jachen Janett

Prevendita da bigliets (creschüts fr. 15.--/uffants fr. 5.--):
Sent Turissem (081 864 15 44)

Ils cors ad hoc da Sent e Ramosch

Corporaziun evangelica

La radunanza generala da la corporaziun evangelica ha lö ingon in
lündeschdi, ils 4 gÜN 2012, a las 20.15, illa saletta da la chasa da pravenda.

Il Cussagl da baselgia

Promoziun dal trafic public

Per promover cha la glied müda dal trafic individual sül trafic public exista daspö'ls 1. schner 2011 la sporta cha'l cumün contribuüscha 50% vi dals cuosts da l'abunamaint da traiget Sent - Scuol.

In sia sezzüda dals 22 mai 2012 ha decis il Cussagl cumünaal cha'l cumün pudess spordscher uossa eir a persunas chi possedan ün GA o ün BÜGA la contribuziun chi correspuonda a l'import da 50% dals cuosts d'ün abunamaint da traiget Sent - Scuol.

La contribuziun dal cumün po gnir retratta per abunamaints da traiget Sent – Scuol sco fin uossa in muossond l'abunamaint pel trafic public. Persunas chi han ün GA o ün BÜGA e vulessan profitar da quista sporta ston sper l'abunamaint eir muoszar sù ün contrat da lavur d'almain 50% causa cha la sporta es prevista impustüt sco intimaziun da dovrar invezza dal trafic individual ils mezs publics per ir a lavur.

La cumischiun d'energia

Deponia da la Fuorcha

Tenor il permiss concess da l'uffizi per natüra ed ambiaint esa admiss da deponar be material inert sco terra, crappa, s-chart da üert e flus giò la deponia da la Fuorcha. Na admiss sun tuots aldüms, chargias fain e strom. Per frus-chaglia, rests da laina e patütsch es il deposit previs sül plazzal da la laina sur la deponia ingiò chi vain da temp in temp fat zappaditsch landroura.

Displaschaivelmaing as sto constattar chi vain repetidamaing deponà tant giò la deponia da la Fuorcha sco eir sül plazzal da la laina material na admiss.

Eir la pratcha da dar oura üna clav per la deponia da la Fuorcha cunter ün deposit da fr. 100.-- nu cuntainta, causa chi vain adüna darcheu fat abüs da la sporta. Per avair üna megltra survaglianza sur da la deponia da la Fuorcha ha decis il Cussagl cumünal in sia sezzüda dals 22 mai 2012 il seguaint:

- I nu vegnan dattas oura plü ingünas clavs per la deponia a personas privatas. Personas chi sun amo in possess d'üna clav da la Fuorcha tilla stuveissan retuornar fin il plü tard als 6 gün 2012 uschigliö nu vain pajà inavò il deposit da fr. 100.--.
- Per pudair depositar material inert, frus-chaglia rests da laina e patütsch giò la deponia da la Fuorcha e sül plazzal da la laina esa in avegnir necessari d'annunzchar ouravant in büro cumünal che material e quant material ch'id es previs da deponar.
- La deponia vain in avegnir rivida d'ün lavuraint cumünal tenor las annunzchas in büro cumünal seguaintamaing:

il marcurdi da las 16.00 - 17.00 cun annunzcha fin mardi 16.00

la sonda da las 16.00 - 17.00 cun annunzcha fin venderdi 16.00

Per deposits plü gronds as po cumbinar oters termins.

Il Cussagl cumünal



Cuors da Nordic Walking

Nordic Walking es daplü co „be“ ün chaminar cun bastuns, id es ün concept da movimaint per tuot il corp chi trena la musculatura, il cour e la circulaziun.

Per principiantas e principiants vegnan sports uossa 2 cuors da Nordic Walking chi vegnan manats parallel:

Cuors A: 5 jadas il lündeschdi da las 9.00 – ca. las 10.30, la prüma jada ha lö ils 4 gün 2012

Cuors B: 5 jadas la gövgia da las 18.30 – ca. las 20.00, la prüma ha lö ils 7 gün 2012

Cuosts Fr. 50.- per 5 jadas (id es pussibel da tscherner eir 5 termins da tuots duos cuors)

Büschmainta: tenü da sport e putschas da gimnastica outdoor

Ils bastuns as po tour a fit pro „Sport Engiadina“, Scuol

Lö d'inscunter: Bügl da Plaz

Annunzchar pro Marianne Werro: 081 864 82 69 / 078 905 03 28

**Marianne Werro, instructura
da Nordic Walking NWO**

Preavis-->

Sent in movimaint

**“di da sandà” 2012
dumengia ils 19 avuost 2012
plazza da sport**



**tscherchè exposituors sco eir collavuratuors o persunas chi
güdessan jent a manar tras
il „di da sandà“**

Il „di da sandà“ invida a tuot la populaziun da gnir in contact cun la gronda sporta da sandà in nos cumün. La sporta cuntegna societats, gruppas da sport o manaders da sport, Joga, differentas massaschas e terapias, kinesiologia, cussgliaziun da nudritüra, pedicüra, il meidi e.u.i

Persunas chi vuleschan preschantar lur sporta al „di da sandà“ pon s’annunzchar pro Marianne Werro 081/864 82 69 o cmwerro@bluewin.ch

Co far pajamaints?

**In marcurdi, als 13 gün 2012
tanter las 15.30 h – 17.30 h**

No infuormain sur da:

- Pussibilitats electronicas / e-banking
- Pussibilità convenziunala
- etc.

da Lur visita s'allegra la
Banca Chantunala Sent

